

閨媛典第三百五十五卷

閨艷部藝文四

詞

巫山一段雲

唐昭宗

縹緲雲間質盈盈波上身袖羅斜舉動埃塵明艷不勝春
翠鬢晚妝煙重寂寂陽臺一夢冰眸蓮
臉見長新巫峽更何人

憶江南

崔懷玉

平生願願作樂中箏得近玉人纖手子砑羅裙上放嬌聲便死也爲榮

巫山一段雲

毛文錫

貌掩巫山色才過濯錦波阿誰提筆上銀河月裏寫嫦娥
薄薄施鉛粉盈盈挂綺羅菖蒲花役夢
魂多年代屬元和

麥秀兩岐

和凝

涼簾鋪斑竹鴛枕並紅玉臉蓮紅眉柳綠曾雪宜新浴淡黃衫子裁春縠異香芬馥
羞道交回燭

古今圖書集成
未慣雙雙宿樹連枝魚比目掌上腰如束嬌嬌不爭人拳跼黛眉微蹙

遐方怨

顧夏

簾影細簾紋平象紗籠玉指鏤金羅扇輕嫩紅雙臉似花明兩條眉黛遠山橫
鳳簫歇鏡塵生遼塞音書絕夢魂長暗驚玉郎經歲負娉婷教人怎不恨無情

南歌子

前人

遠山愁黛碧橫波慢臉明膩香紅玉茜羅輕深院晚堂人靜理銀箏
鬢動行雲影裙遮點屐聲嬌羞愛問曲中名楊柳杏花時節幾多情

春光好

歐陽炯

曾鋪雪臉分蓮理繁弦纖指飛翻金鳳語轉嬋娟
嘈囀如敲玉佩清冷似滴香泉曲罷問郎名箇甚想天憐

赤棗子

前人

蓮臉薄柳眉長等閑無事莫思量每一見時明月夜損人情思斷人腸

謁金門

閻選

美人浴碧沼蓮開芬馥雙髻綰雲顏似玉素娥輝淡綠
雅態芳姿閑淑雪映鈿裝金斛水濺青絲
珠斷續酥融香透肉

風流子

孫光憲

樓倚長衢欲暮瞥見神仙伴侶微傳粉攏梳頭隱映畫簾開處無語無緒慢曳羅裙歸去

浣溪沙

前人

碧玉衣裳白玉人翠眉紅臉小腰身瑞雲飛雨逐行雲
除却弄珠兼解佩便隨西子與東鄰是誰
容易比真真

應天長

前人

翠凝仙艷非凡有窈窕年華方十九鬢如雲腰似柳妙對綺弦歌醪酒
醉瑤臺攜玉手共燕此宵
相偶魂斷晚窗分手淚霑金縷袖

南歌子

前人

艷冶青樓女風流似楚真驪珠美玉未爲珍窈窕一枝芳柳入腰身
舞袖頻回雪歌聲幾動塵慢
凝秋水顧情人祇緣傾國著處覺生春

菩薩蠻

無名氏

牡丹含露真珠顆美人折向庭前過含笑問檀郎花強妾貌強
檀郎故相惱須道花枝好一面發
嬌嗔碎接花打人

甘州曲

南唐後主

畫羅裙能解束稱腰身柳眉桃臉不勝春薄媚足精神可憐淪落在風塵

一斛珠

詠佳人口

同前

曉妝初過沈檀輕注些兒箇向人微露丁香顆一曲清歌暫引櫻桃破
羅袖裏殘殷色可盃深旋
被香醪浥繡牀斜凭嬌無那爛嚼紅絨笑向檀郎唾

更漏子

宋晏殊

薜華濃山翠淺一寸秋波如翦紅日永綺筵開暗隨仙馭來
遏雲聲迴雪袖占斷曉鶯春柳纔送

目又顰眉此情誰得知

漁家傲

前人

楚國細腰元自瘦
文君膩臉誰描就
日夜鼓聲催箭漏
昏復晝
紅顏豈得長依舊
醉折嫩房和蕊
顛天絲不斷
清香透
却傍小闌凝望久
風滿袖
西池月上人歸後

前調

前人

宿蕊鬪攢金粉鬧
青房暗結蜂兒小
斂面似啼還似笑
天與貌
人間不是鉛華少
葉軟香清無限
好風頭
日脚乾
催老待得玉京仙子到
剛向道
紅顏只合長年少

菊花新

張先

墮髻慵妝來日暮
家在柳橋堤下住
衣緩絳綃垂瓊樹
鳥一枝紅霧
院深池靜花相妒
粉牆低
樂聲時度
長恐舞筵空
輕化作彩雲飛去

浪淘沙

柳永

有一箇人飛燕精神急
鏘環珮上華裯
促拍盡隨紅袖舉
風柳腰身
簌簌輕裙妙盡尖新
曲終獨

立斂香塵應是四肢嬌困也眉黛雙顰

河傳

前人

翠深紅淺愁蛾黛感嬌波刀翦奇容妙技互逞舞裊歌扇妝光生粉面
坐中醉客風流慣尊前見
特地驚狂眼不似少年時節千金爭選相逢何太晚

玉蝴蝶

前人

是處小街斜巷爛遊花館連醉瑤卮選得芳容端麗冠絕吳姬絳脣輕笑歌盡雅蓮步穩舉措皆奇
出屏幃倚風情態約素腰肢
當時綺羅叢裏知名雖久識面何遲見了千花萬柳比並不如伊未
同歡寸心暗許欲話別纖手重攜結前期美人才子合是相知

前調

前人

誤入平康小巷畫簷深處朱箔微褰羅綺叢中偶認舊識嬋娟翠眉開嬌橫遠岫綠鬢彈濃染春煙
憶情牽粉牆曾凭窺宋三年
遷延珊瑚筵上親持犀管旋疊香牋要索新詞殢人含笑立尊前按
新聲珠喉漸穩想舊意波臉增妍苦留連鳳衾鸞枕忍負良緣

合歡帶

前人

身材兒早是妖嬈算舉措實難描一箇肌膚渾似玉更都來占了千嬌妍歌艷舞鶯慚巧舌柳妒纖腰自相逢便覺韓娥價減飛燕聲銷桃花零落溪水潺湲重尋仙徑非遙莫道千金酬一笑便明珠萬斛須邀檀郎幸有凌雲詞賦擲果丰標況當年便好相攜鳳樓深處吹簫

洞仙歌

前人

佳景留心慣況年少彼此風情非淺有笙歌巷陌綺羅庭院傾城巧笑如花面恣雅態明眸回美盼同心綰算國艷仙材翻恨相逢晚纏纏洞房悄悄繡被重重夜永歡餘共有海約山盟記得翠雲偷翦和鳴彩鳳于飛燕向柳徑花陰攜手徧情眷戀問其間密約輕憐事何限忍聚散況已結深深願人間天上暮雲朝雨長相見

浣溪紗

蘇軾

學畫鵲兒正妙年陽城下蔡困嫣然憑君莫唱短姻緣霧帳吹笙香嫋嫋霜庭按舞月娟娟曲終紅袖落雙纏

鷓鴣天

前人

羅帶雙垂畫不成
殢人嬌態最輕盈
酥臂斜抱天邊月
玉手輕彈水面冰
無限事
許多情
四絃絲竹
苦丁寧
饒君撥盡相思調
待聽梧桐葉落聲

三部樂

前人

美人如月
乍見掩暮雲
更增妍絕
算應無恨
安用陰晴圓缺
嬌甚空只成愁
待下牀又嬾未語
先咽
數日不來
落盡一庭紅葉
今朝置酒
強起問爲誰減
動一分香雪
何事散花却病
維摩無疾
却低眉慘然不答
唱金縷一聲怨
切堪折便折
且惜取少年花發

意難忘

前人

花擁鶯房
記拖肩髻
小約鬢眉長
輕身翻燕舞
低語囀鶯簧
相見處
便難忘
肯親度瑤觴
向夜闌歌翻郢曲
帶換韓香
別來音信難將
似雲收楚峽
雨散巫陽
相逢情有在
不語意難量
些箇事
斷人腸
怎禁得
恁惶待與伊移根換葉
試又何妨

滿庭芳

前人

香鑿雕盤寒生冰飭畫堂別是風光主人情重開宴出紅妝膩玉圓搓素頸藕絲嫩新織仙裳雙歌
罷虛檐轉月餘韻尙悠颺人間何處有司空見慣應謂尋常坐中有狂客惱亂愁腸報道金釵墜
也十指露春筍纖長親曾見全勝宋玉想像賦高唐

浣溪紗

晏幾道

小杏春聲學浪仙疎梅清唱替哀絃似花如雪繞瓊筵
願粉月痕妝罷後臉紅蓮艷酒醒前今年
新調得人憐

采桑子

前人

紅牕碧玉新名舊猶綰雙螺一寸秋波一斛明珠覺未多
小來竹馬同遊客慣聽清歌今日蹉跎
惱亂工夫暈翠蛾

菩薩蠻

前人

嬌香淡染臙脂雪愁春細畫彎彎月花月鏡邊人淺妝勻未成
佳期應有在試倚鞦韆待滿地落
英紅萬條楊柳風

鷓鴣天

前人

楚女腰肢越女顚粉圓雙蕊髻中開朱絃曲怨愁春盡綠酒杯寒記夜來
新擲果舊分釵冶遊音
信隔章臺花間錦字空頻寄月底金鞍竟未回

生查子

秦觀

眉黛遠山長新柳開青眼樓閣斷霞明羅幕春寒淺
杯嫌玉漏遲燭厭金刀翦月色忽飛來花影
和簾捲

菩薩蠻

晁端禮

遠山眉映橫波臉臉波橫映眉山遠雲鬢插花新新花插鬢雲
斷魂離思遠遠思離魂斷門掩未
黃昏昏黃未掩門

江城子

贈娉
娉

晁補之

娉娉問道似輕盈好佳名也堪稱楚觀雲歸重見小樊驚豆蔻梢頭春尙淺嬌未顧已傾城
章臺
休咏舊青青燕離情恨難平無事飛花撩亂撲旗亭不似劉郎春草小能步步伴人行

小重山

賀鑄

花院深疑無路通，碧紗牕影下玉芙蓉。當時偏恨五更鐘，分攜處斜月小簾櫳。楚夢冷，沉蹤一雙金縷枕，半牀空。畫樓臨水，鳳城東樓前柳，憔悴幾秋風。

馬家春慢

前人

珠箔風輕繡簾浪卷，乍入人間蓬島。闌干漸庭館，玲瓏春曉。天許奇葩貴品，異繁杏夭桃輕妙。命化工傾國風流與一枝纖巧。尊前五陵年少，縱丹青異格，難倣顏貌。惹露凝煙，困紅嬌額，微鬟低笑。須信濃香易歇，更莫惜醉攀吟，遠待舞蝶遊蜂，細把芳心都告。

萬年歡

前人

淑質柔情靚妝艷笑，未容桃李爭妍。紅粉牆東曾記窺宋三年，不分雲朝雨暮，向西樓南館留連。何嘗信美景良辰賞心樂事難全。青門解袂，畫樓回首，初沉漢珮，永斷湘絃。漫寫濃愁幽恨，封寄魚箋。擬話當時舊好，問同誰與醉尊前。除非是明月清風，向人今夜依然。

調笑令

秦娘

毛滂

香歇袂紅翹記立河橋花自折隼旗紺幃城西闕教妾驚鴻回雪銅駝春夢空愁絕雲破碧江流月

清平樂

前人

錦屏夜夜繡被薰蘭麝帳掩芙蓉長不下垂盡銀臺蠟燭
臉痕微著流霞曹騰越恁纒華睡破半
殘妝粉月隨雪到梅花

鷓鴣天

李之儀

濃麗妖妍不是妝十分風艷奪韶光牡丹開就應難比繁富猶疑過海棠
須仔細更端相爛霞流
暈帶朝陽千金未足酬真賞一度相看一斷腸

浣溪紗

劉平叔家妓

趙令時

繾綣小弓鞦三寸羅歌脣清韻一櫻多燈前秀艷總橫波
指下鳴琴清查渺掌中回旋小婆娑明朝
歸路奈情何

卜算子

陳師道

纖軟小腰身明秀天真面澹畫修眉小作春中有相思怨
背立向人羞顏破因誰倩不比陽臺夢

裏逢親向春前見

菩薩蠻

詠目

謝絳

娟娟侵鬢妝痕淺雙眸相媚嚬如翦一瞬百般宜無端笑與啼
酒闌思翠被特故瞢騰地生怕促
歸輪微波先注人

朝玉階

前人

春色欺人拂眼青柳條綠絲軟雪花輕黃金纔鎖掩銀屏陰沈深院靜語嬌鶯
美人春困寶釵橫
惜花芳態淚盈盈風流何處最多情千金一笑須信傾城

西江月

謝逸

窄袖淺籠溫玉修眉淡掃遙岑行時雲霧繞衣襟步步蓮生宮錦
菊與秋烟共晚酒隨人意俱深
尊前有客動琴心醉後清狂不禁

南歌子

方錢塘
侍兒

周紫芝

蟬薄輕梳鬢螺香淺畫眉西湖人道似西施人似西施濃澹更相宜
晝燭催歌板飛花上舞衣殷

古今圖書集成
勤猶勸玉東西不道使君腸斷已多時

水龍吟

前人

楚山千疊浮雲楚雲只在巫山住鸞飛鳳舞當時空記夢中奇語曉日曛隴夕陽零亂鳥紅縈素問如今依舊霏霏冉冉知他爲誰朝暮玉珮烟鬟飛動炯星眸人間相遇嫣然一笑陽城下蔡盡成驚顧蕙帳春濃蘭衾日暖未成行雨但丁寧莫似陽臺夢斷又隨風去

減字木蘭花

周邦彥

風鬟霧鬢便覺蓬萊三島近水秀山明縹緲仙姿畫不成廣寒丹桂豈是天桃塵俗世只恐乘風飛上瓊樓玉宇中

憶秦娥

前人

香馥馥尊前有箇人如玉人如玉翠翹金鳳內家妝束嬌羞愛把眉兒蹙逢人只唱相思曲相思曲一聲聲是怨紅愁綠

柳梢青

前人

有箇人人海棠標韻飛燕輕盈酒暈潮紅羞娥凝綠一笑生春
爲伊無限傷心更說甚巫山楚雲
斗帳香銷紗窗月冷著意溫存

南歌子

前人

膩頸凝酥白輕衫淡粉紅碧油涼氣透簾櫳指點庭花低影雲母屏風
恨逐瑤琴寫書勞玉指封
等閒贏得瘦儀容何事不教雲雨略下巫峰

燭影搖紅

前人

香臉輕勻黛眉巧畫宮妝淺風流天付與精神全在嬌波轉早是縈心可恨更那堪頻頻顧盼幾回
得見見了還休爭如不見
燭影搖紅夜闌飲散春宵短當時誰解唱陽關離恨天涯遠無奈雲收
雨散凭欄干東風淚眼海棠開後燕子來時黃昏庭院

看花迴

詠眼

前人

秀色芳容明眸就中奇絕細看艷波欲溜最可惜微重紅綃輕帖勻朱傅粉幾爲嚴妝時
洵隄因箇
甚底死嗔人半晌斜盼費貼燵
斗帳裏濃歡意愜帶困時似開微合曾倚高樓望遠自笑指頻矚

知他誰說那日分飛淚雨縱橫光映頰搵香羅恐揉損與他衫袖裏

菩薩蠻

蔡伸

杏花零落清明雨卷簾雙燕來還去枕上玉芙蓉暝香堆鏡紅
翠翹金鈿雀蟬鬢慵梳掠心事一
春閒黛眉顰遠山

清平樂

前人

明眸秀色肌理凝香雪羅綺叢中標韻別捧酒歌聲清越
不辭醉臉潮紅却愁歸騎匆匆回首綠
牕朱戶斷腸明月清風

采桑子慢

前人

明眸秀色別是天眞瀟灑更鬢髮堆雲玉臉澹拂輕霞醉裏精神象中標格誰能畫當時攜手花籠
澹月重門深亞
巫峰夢回已成陳事豈堪重話謾贏得羅襟清淚鬢邊霜華念傷懷凭闌烟水渺
無涯秦源目斷碧雲暮合難認仙家

生查子

向子諲